



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Divi Bambergenses S. Henricvs Imperator S. Kvnegvndis
Imperatrix S. Otho Episcopvs**

Gretser, Jacob

Ingolstadii, 1611

XXVI. De terra in thus, & in grana mutata.

urn:nbn:de:hbz:466:1-41527

Ille antè fama, quàm aspectu notus, dum ad nos pervenisset, stipem inter domos accipiens, aliquandiu sustentatus est. Hunc ^{* Iudæus.} archisynagogus videns, si vestra CHVNEGUNDIS, ad Christianos ait, istum curaverit, me Christo ac fidei vestre applicare poterit. Sed, quod dicit Apostolus: ^{I. Cor. I.} *Iudæi signa* querunt;* in hoc Iudæo ostensum est. Nam patiens tertia Domini- cæ Resurrectionis feria, dum super sepulcro salutiferæ Virgini salubri premeretur sopore, manu inuisibili quadam tactus, inde sanatus, cum summa omnium admiratione, ac laude abscessit. Iudæus verò infelix à perfidia sua æternos passurus ignes non recessit.

CAPVT XXVI.

De terra in thus, & in grana mutata.



Illud autem in ultimo, quod tamen signorum illius non ultimum fuit, subnectam. Quoniam terra circa sepulcrum eius à fidelibus collecta, in speciem lucidissimi thuris, aut etiam mundissimi grani fuit frequenter redacta. Super hoc Innocentius Papa in ^{Eff. Innocentius III.} Sermone ad populum in Lateranensi Palatio habito, vitæ illius merita, & miraculorum insignia commemorando, subintulit; *Rectè, fratres charissimi, pulvis ille, quo gleba huius sanctissime Virginis debito humanitatis sepulta tegitur, in thus atq. granum redigitur, quæ se sub sexu fragili, dum viueret, à licitis continens, ab illicitis abstinens, illibatum Domino holocaustum obtulit, & diues Christo, pauper sibi, pauperes Christi sub diuersi ordinis atq. sexus professione quotidie pascit. Merito ergo in catalogo sanctorum erit adscribenda, quæ vitam sanctorum semper studuit imitari. Collectam itaque à nobis conscriptam cum officio totius missæ huic nostro sermoni apposuimus, & Apostolica auctoritate omnibus Ecclesiis in honore tantæ Virginis decantari direximus.*

S. Henrici sponfam, scilicet Cunigundam Virginem. Siffrius Presbyter Anno M. CCI. Sancta Cunegundis Imperatrix & virgo Canonizata est ab isto Papa Innocentio III. Cuius canonizatio bilem mouit Auentino, qui lib. 7. admodum Ne (Episcopi) res diuinas flocci facere videantur, magno religionis supercilio Chamunegundam albo superum adscribunt.

CAPVT